

# Konsortium teknologi kesihatan nasional dibentuk

Bantu mudahkan syarikat tukar hasil penyelidikan jadi produk, khidmat kesihatan

SEBUAH Konsortium Teknologi Kesihatan (HealthTEC) kebangsaan akan ditubuhkan bagi membantu dan memudahkan syarikat menukar hasil penyelidikan menjadi produk dan perkhidmatan yang dapat meningkatkan tahap kesihatan dan kesejahteraan individu.

Ini diharap dapat mewujudkan huraian penjagaan kesihatan peribadi yang baru dihasilkan menggunakan sains dan teknologi terkini dari lembaga Yayasan Penyelidikan Nasional (NRF).

Pembangunan sebanyak \$1.5 juta akan diperuntukkan selama tiga tahun bagi menyokong kegiatan konsortium tersebut, kata NRF dalam satu kenyataan semalam.

Diterajui Institut Inovasi Kesihatan dan Teknologi, Universiti Nasional Singapura (NUS iHealthtech), konsortium itu juga akan mengumpulkan bersama para penyelidik dan syarikat-syarikat agar dapat memanfaatkan teknologi tinggi serta data sedia ada.

Dengan itu, diharapkan “mereka dapat membangun dan menyediakan huraian terhadap kesihatan dan kesejahteraan yang akan memanfaatkan warga Singapura,” kata NRF.

Menurutnya, HealthTEC bakal membawa hasil penyelidikan dari makmal ke pasaran dengan menyatukan kepakaran saintifik penyelidik dan pengetahuan industri syarikat.

NRF berkata syarikat yang menyertai mereka sebagai rakan industri akan diberi akses terhadap penyelidikan dan teknologi yang lebih

mendalam dari Institut Pengajian Tinggi (IHL) dan institusi penyelidikan di serata negara, agar dapat menerapkannya dalam pembangunan penyelesaian penjagaan kesihatan yang canggih.

Antara teknologi yang dapat dimanfaatkan termasuk dalam bidang bioelektronik, bahan biomimetik, robotik dan alat pengesan pintar.

Untuk menggalak lebih banyak interaksi dan memperkuatkannya hubungan antara pakar akademik industri ini, beberapa sesi perangkaian, bengkel, perbincangan meja bundar serta simposium saintifik juga akan dianjurkan HealthTEC secara kerap.

Pengarah Eksekutif Pejabat Penyelidikan, Inovasi dan Perusahaan Penyelaras NRF, Encik Lim Tuang Liang, berkata:

“Di seluruh dunia, teknologi penjagaan kesihatan yang lebih maju sedang berubah bagaimana kita mencegah, mendiagnosis dan memantau penyakit.

“Konsortium Teknologi Kesihatan baru ini memerlukan perkembangan ini dalam menyatukan para penyelidik dan syarikat untuk mengubah kajian dan pembangunan (R&D) menjadi sebuah inovasi yang dapat meningkatkan tahap kesihatan dan kesejahteraan rakyat.

“Kami mengalu-alukan lebih banyak syarikat untuk menyertai konsortium ini supaya dapat meraih manfaat daripada teknologi dan inovasi terkini bagi membantu mereka kekal bersaing dalam industri yang menarik ini.”